



## 2022KO MAIATZAREN 30EAN EGINDAKO OHIKO OSOKO BILKURAREN AKTA.

Bilera mota: Udal Osoko Bilkura Arrunta

Data: 2022-05-30

Ordua: Arratsaldeko 20:00etan

Lekua: Udaletxeko Areto Nagusia

Honen bitartez eta alkatearen aginduz, aipaturiko ordu eta lekuan egingo den Ohiko Udal Osoko Bilkurarako deialdia luzatzen dizut.

### EGUNEKO GAI ZERREDA:

**LEHENGOA:** AURREKO BILKURETAKO AKTAK ONARTZEKO PROPOSAMENA:

- 2022/02/28 EZOHIKOA
- 2022/03/28 EZOHIKOA

**BIGARRENA:** ALKATETZAK EMANDAKO EBAZPENEN BERRI EMATEA.

**HIRUGARRENA:** TOLOSAKO PENTSODUNEK AURKEZTUTAKO MURRIZKETA ETA DIGITALIZAZIOAREN INGURUARI BURUZKO MOZIOA ONARTZEKO PROPOSAMENA.

**LAUGARRENA:** 2021EKO KONTU OROKORRAREN ALDEKO DIKTAMINA EMATEKO PROPOSAMENA.

**BOSGARRENA:** ERREGU ETA GALDERAK.

Elduain, Udaletxeko bilera aretoan, aurrez egindako deiari, 2022ko maiatzaren 30ean, arratsaldeko 20:00tan, Udalaren Batzar osoa biltzen da ohiko saioan, behean aipatzen diren zinegotziak, Oihana Amundarain Zubillaga Alkatearen presidentziapean.

Zinegotziak:

- Joel Wepsiec Mariezcurrena (20:00)
- Alain Barandarain Ayerza (20:00)
- Leire Talavera Etxeberria (20:00)

Bertan dago eta fede ematen du Udaleko idazkari - kontu-hartzaileak:

- Maria Pilar Garmendia Miguel

Osoko Bilkura legez osatzeko behar adinako kopuruak parte hartzen duela egiaztatu ondoren, presidentek, 20:00 ordu direnean, bilkura irekitzat ematen du eta gai-zerrendako puntuen azterketari ekiten da.



## GAI ZERRENDA:

### **LEHENENGOA PUNTUA:**

#### **AURREKO BATZARREI DAGOZKIEN AKTEI OHARPEN AURKEZPENA**

Osoko Bilkurako deialdiarekin batera honako akta agiria banatu zaizkie zinegotziei, aztertu eta kasua balitz oharrak aurkez ditzaten:

- 2022/02/28 EZOHIKOA
- 2022/03/28 EZOHIKOA

Oharrak aurkeztu ez direnez, idatzita dauden egoera berean aho-batez onartzen dira.

### **BIGARREN PUNTUA:**

#### **ALKATETZAK EMANDAKO EBAZPENEN BERRI EMATEA**

Indarrean dagoen Udal Korporazioen Antolakuntza, Funtzionamendu eta Erregimen Juridikoari buruzko Erregelamenduko (2568/1986ko E.D. azaroaren 28koa) 42. artikuluan adierazten duen ondorioetarako, Batzarrari, ohiko azken bileraz gero, Alkateak eman dituen ebazpenak aditzera ematen zaizkio. Hain zuzen ere 20221/011tik 2022/053era dekretura doazenak, biak barne, eta Udalbatza jakinaren gainean geratu da.

### **HIRUGARREN PUNTUA:**

#### **TOLOSAKO PENTSODUNEK AURKEZTUTAKO MURRIZKETA ETA DIGITALIZAZIOAREN INGURUARI BURUZKO MOZIOA ONARTZEKO PROPOSAMENA**

Alkateak mozioaren berri eman du, izanaz bere letraz letrazko edukia:

---

Tolosaldeako Pentsiodunak proposatzen dugun mozio hau ahalik eta azkarren eztabaidatu eta onar dadin Udalbatzarrean eskatzen dugu, adinekoak eta pentsiodunak murrizketa eta digitalizazioaren ondoren banku-zerbitzutara jotzeko dugun arazo larria dela eta.

#### **1. Abusuzko klausulak eta praktikak.**

Hipotekadunari hipoteka eratzean ez zegokion gastu-karguak, horiek irekitzeko gehiegizko komizioekin batera eta abar.

#### **2. Diru publikoa behar izan duen bankua.**

Ikusten diren abusuzko praktikak erabiltzeaz gain, eta hori modu orokorrean, banku-kutxa batzuk intetsitate handiagoarekin, beste batzuk txikiagorekin, gordailuzainak babesteko 65.000 milioi eurokin erreskatatu behar izan dira.

Eta hori gertatu zen bitartean, 2021eko hirugarren hiruhilekoan ekitaldia itxita, Espainiako banku osoak (A.E.B. ko datuen arabera) 11.151m/€ irabazi zituen eta kapital etekinak %7,2koa izan zen.



### **3. Administrazio-prozesuen informatizazioa eta digitalizazioa.**

Banku komisio gero eta handiagoak ordaintzen ari gara eta Internet bidez edozein kudeaketa egin behar izatera behartzen gaituzte eta zuzeneko aurrez aurreko arreta pixkanaka kentzea, ordutegiak murriztea, bulegoak kentzea eta langileak gutxitzea ekarri du. Herri txiki askotan, geratzen zen banketxe hura betiko itxi zuten.

### **4. Nola eragiten dion horrek herritarrari, finantza-bitartekariaren den bankuaren nahitaezko erabiltzailea baita.**

Zalantzarik gabe, herritar guztiei eragiten die. Bankuen eta langileen bulegoak nabarmen murriztea, bai eta jendeari zerbitzua emateko ordutegiak murriztea ere.

(Azkeneko notiziak diote ordutegia eta beste bi puntu onartu dituztela bankuek). Banketxe aurrean dauden ilarak lotsa sentiarazten dute.

### **5. Eta hori gertatu den bitartean, bankuek bere langileekin nola jokatzten duen eta oligarkiarekin nola jokatzten duen.**

2021ean, EREren bidezko kaleratzeak ez dira eten (BBVA 2.725 kaleratze, CAIXA BANK 6452 kaleratze, BANCO SABADELLeK bere plantilatik 1.800 langile baino gehiago atera ondoren, urriaren 15ean, aurre akordio bat lortu zuen bere ordezkariak sindikalarekin beste 1.380 langile ateratzeko. Abenduaren 3an, UNICAJA eta Bankuaren gehiengo sindikalaren arteko aurre akordio bat iragarri ziguten, LIBERBANKekin bat egitearen ondoriozko enplegu-erregulazioko espediente baterako, 1.5131 langileei eragingo diena.

### **6. Eta lanen azpi kontratazioaren eskandalua.**

Gainera, ikusten dugu banku handietako batek, gutxienez, jardunean dauden bere langileen lanpostuekin jokatzeari gain, zuzeneko enplegua sortzea saihesten duela, hau da, beste enpresa batzuen bidez bankuko lan berdina egitea bankuan bertan, baina langile horien, Bankuko Hitzarmen barruan izan gabe, eta horrela bere lan baldintzak suntsituz.

### **7. Galeren aukerak**

BANKIAREN erreskateak 22.424 miloi euroko kostua izan zuen, eta horietatik 3.302 miloi euro bakarrik itzuli dizkio Estatuari. 2021eko martxoaren 26an kontsumitu zen BANKIAREN absortzioa eta Estatu lehengo akzionista izanik %61,8 partizipazioa zuen eta orain CAIXA BANKEN absortzioarekin %16,11 bakarrik geratu zaio.

Zer esan KUTXABANKei buruz

Orain, 2022aren hasieran, Euskal Autonomi Erkidegoko herritarroi eskatuko baligute KUTXABANK banku bat gehiago den hala ez galdetzeko, ziur aski gehienak esango genuke, banku jardunaren arabera, beste banku bat dela. Bat etorri da bankuaren gehiegizko klausulaz betetako banku-praktikekin, neurri batean Europako justiziaren eskakizunak bakarrik zuzendu baititu.

Banku publiko baten beharra



Beraz pentsiodunen gehiengo handi baten ustez sobera justifikatuta dago Euskal Herriko Pentsiodunen Mugimenduak eta Tolosaldeako Pentsiodunak Udalbatza honetan, mozio hau aurkeztea eta horren bidez adieraztea beharrezkoa dela banku Publiko bat, zelatari lanak egingo dituen eta banku pribatuen praktiken eredu konparatiboa izango dena.

Horregatik eskatzen da banku PUBLIKOA bi printzipio hauen arabera:

Gehien duenari gehiago kobratzea, eta kudeaketaren kostua zerbitzu horretaz gehien baliatzen direnei egozte.

Behar den arreta presentziala ematea, bezeroek arreta hori jaso dezaten, kontuak eta ordainagiriak kudeatzea sortzen zaizkien arazoei erantzun behar badiete.

Egindako azalpenean azaldutako guztia oinarri hartuta, Udalbatza honen Osoko Bilkuran honako hau onartzea eskatzen dugu:

1. Elduaingo Udalaren Osoko Bilkurak leihatila bat irekitzeko eskatzen die Tolosaldean dauden banketxe guztiei. Leihatila horretan, herritar guztiei, eta 65 urtetik gorakoei lehentasunez, aurrez aurreko zerbitzua bermatuko zaie lanaldi osoan.
2. Elduaingo Udalbatzaren Osoko Bilkurak Tolosaldean dauden banketxe guztiei eskatzen die lokaletara sartzeko murrizketak dauden bitartean eta/edo pertsonen arteko urruntze-neurriak gorde behar diren bitartean; neurri horiek eta beharrezkoa den beste edozein bete behar direnean, entitatearen sukurtsal bakoitzean ahalik eta edukiera handieneko itzarongela bat gaitzea, hori materialki egingarria denean, edo bestela neurri batzuk hartzea, kalera eguraldiaren aire zabalean bezeroen ilarak sortzen saihesteko.
3. Elduaingo Udalaren Osoko Bilkurak eskatzen die Tolosaldean dauden banku- erakunde guztiei, azaroaren 24ko 19/2017 Errege Dekretuan, otsailaren 28ko ECE/228/2019 Aginduan eta martxoaren 22ko 164/2019 Errege Dekretuan xedatutakoa betez – Oinarrizko ordainketa-kontuak arautzen dituztenak-,l. mailan, hileko komisioa ordainduta eta doakotasunezkoa 2. mailan urrakortasun-egoera kolektiborako eta hedapenerako aukera zabala egin dezatela, eta sinplifikatzea aurkeztu beharreko dokumentazio kontu horiek eskatzen duenari.
4. Elduaingo Udalaren Osoko Bilkurak eskatzen die Tolosaldean dauden banku- erakunde guztiei: 65 urtetik gorako pertsonen, hala eskatzen badute, doako zordunketa-txartelak ematea, inolako komisiorik gabe, erabilera-mugen inolako ordainketarik gabe, saldo jakinaren eskakizunik gabe, erabiltzeko gutxieneko zenbatekorik gabe, edo antzeko produktuak eduki gabe.



5. Kontuan hartuta bankuek, bere ohiko jardueran, bezeroekin bat datozen funtzio pribatuak betetzen dituztela, hala nola, pentsio-plan bat, inbertsio fondo bat harpidetzea, akzio pakete bat edukitzea eta kudeatzea, kutxa gotor bat alokatzea ...., eta bezeroak jarduera hori ez duela nahitaez egin behar. Baina aldi berean, funtzio publikoak betetzen ditu, eta bezeroa ez da eginkizun horietan ituntzen, baizik eta, ezinbestean, bankuaren bitartekaritza onartu behar du beste aukerarik gabe, hala nola gordailugilea, bere dirua kentzea, ezinbesteko horniduraren ordainketa, hala nola, gasa, elektrizitatea, zerga ordainketa eta tasak. Elduaingo Udalaren Osoko Bilkurak Espainiako Bankuari eskatzen dio bankuen funtzio pribatu eta publikoak argi eta garbi bereizteko eta azken horien doakotasuna edo, bestela, gutxieneko komisio bat ezartzeko.

6. BANKA PUBLIKOA osa dezatela eskatzen die Elduaingo udalaren Osoko Bilkurak Ekonomia Gaietarako eta Eraldaketa Digitalizazio Ministerioari (Ekonomiako eta Enpresari Laguntzeko Estatu Idazkaritza bai eta Espainiako Bankuari eta euskal instituzioei ere, Banka Pribatuarekin bateragarria izan dadin, Bankuen berezko funtzio publikoak betez eta pertsona fisikoentzako sarbidekoak izanik, honako printzipio hau bete dezaten: Saldorik handiena duenari gehiago kobratzea eta ordainagirian eta gainerako ordainbide- eta kobrantza-bideen kudeaketaren eta beste prestazio batzuen kostua kobratzen, batez ere zerbitzu hori gehienbat baliatzen duten pertsona fisiko edo juridikoei.

7. Elduaingo Udalbatzako Osoko Bilkurak I.akordiotik 4.era bitartekoak Tolosaldean dauden banketxe guztiei eta S. Eta 6.erabakietan aipatutako erakundeei helaraziko dizkie.

---

Eta besterik gabe bozketa egin da honako emaitzarekin

Aldeko botoa eman dute: EH-BILDUKO 4 zinegotziek.

Bozketako emaitzaren arabera, **ERABAKI DA:**

**BAKARRA:** Presidentziak aurkeztutako mozioa onartua gertatzen da.

**LAUGARREN PUNTUA:**

**2021EKO KONTU OROKORRAREN ALDEKO DIKTAMENA EMATEKO PROPOSAMENA**

Ikusirik maiatzaren 12an Kontuetako Batzorde Bereziak eginiko bileran onarturiko diktamena, errekerituriko espedientea aldeko informatuz.

Udal Plenoari egiten zaio jarraiko,

**ERABAKI PROPOSAMENA:**

**BAKARRA:** Onartzea 2021eko Kontu Orokorraren espedientea.



**BOSGARREN PUNTUA:**  
**ERREGU ETA GALDERAK**

Alkateak Udalbatzako gainerako partaideei aukera eman die egoki irizitako galderak eta eskariak egin ditzaten.

Besterik gabe, 20:15ean, Presidentetzak batzarra amaitutzat jo du, eta akta hau egin dut, nik, idazkari honek, gertaturiko guztia zehatz jasota. Fede ematen dut

O.E.  
Alkateak,

Udaleko idazkari - kontu-hartzailea,

Oihana Amundarain Zubillaga,

Maria Pilar Garmendia Miguel